

Broj: 04-01-1312-06/11
Mostar, 11.4.2012. godine

Na temelju članka 29. i članka 41. Zakona o električnoj energiji (Službene novine Federacije BiH, broj 41/02, 24/05, 38/05, 83/11), članka 12. stavak (1) i članka 14. stavak (1) Statuta Regulatorne komisije za električnu energiju u Federaciji Bosne i Hercegovine (Službene novine Federacije BiH, broj 13/04), kao i članka 31. stavak (2) i članka 37. stavak (4) Poslovnika o radu Regulatorne komisije za električnu energiju u Federaciji Bosne i Hercegovine (Službene novine Federacije BiH, broj 59/04), te članka 83. i članka 91. stavak (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine (Službene novine Federacije BiH, broj 37/05) i članka 23. Općih uvjeta za isporuku električne energije (Službene novine Federacije BiH, broj 35/08, 81/08, 32/10 i 37/10), a postupajući po Žalbi/prigovoru na Elektroenergetsku suglasnost broj 214-18383/11 od 29.11.2011. godine i Elektroenergetsku suglasnost broj 214-18390/11 od 29.11.2011. godine, koja je u FERK dostavljena 23.12.2011. godine pod brojem 04-01-1312/11, preko JP Elektroprivreda BiH d.d.-Sarajevo, Podružnica „Elektrodistribucija“ Tuzla, kod koje je ista primljena 13.12.2011. godine, podnositelja žalbe „ZIS“-94 d.o.o. za proizvodnju, promet i usluge Kladanj zastupan po Salki Haliloviću iz Kladnja, Regulatorna komisija za električnu energiju u Federaciji Bosne i Hercegovine – FERK je, na VI. redovitoj sjednici održanoj u Mostaru 11.4.2012. godine, donijela

RJEŠENJE

1. Poništavaju se Elektroenergetska suglasnost broj 214-18383/11 od 29.11.2011. godine i Elektroenergetska suglasnost broj 214-18390/11 od 29.11.2011. godine koje je izdalo Javno preduzeće Elektroprivreda BiH d.d. - Sarajevo, Podružnica „Elektrodistribucija“ Tuzla i predmet vraća na ponovni postupak.
2. Ovo rješenje je konačno i stupa na snagu danom donošenja, te se objavljuje na oglasnoj ploči i web stranici FERK-a, a izreka ovog rješenja u Službenim novinama Federacije BiH.

Obrazloženje

Sukladno članku 41. Zakona o električnoj energiji, proizvođač, odnosno kvalificirani kupac električne energije kojem je odbijen pristup mreži ili je nezadovoljan uvjetima za pristup, može podnijeti žalbu/prigovor FERK-u, što je propisano i člankom 83. Pravilnika o javnim raspravama i rješavanju zahtjeva i žalbi FERK-a, kao i člankom 23. Općih uvjeta za isporuku električne energije. Člankom 91. stavkom (2) Pravilnika o javnim raspravama i rješavanju zahtjeva i žalbi FERK-a propisano je da se na sva pitanja koja se odnose na postupke pred FERK-om, a koja nisu propisana ovim pravilnikom ili posebnim pravilima i propisima FERK-a, primjenjuju na odgovarajući način pravila odnosnih zakona ako to narav stvari dopušta i kada je to sukladno nadležnostima i ovlaštenjima FERK-a.

Na temelju navedenog, žalba/prigovor podnositelja „ZIS“-94 d.o.o. za proizvodnju, promet i usluge Kladanj, zastupan po Salki Haliloviću iz Kladnja na Elektroenergetsku suglasnost broj 214-18383/11 od 29.11.2011. godine i Elektroenergetsku suglasnost broj 214-18390/11 od 29.11.2011. godine, zaprimljena je u FERK 23.12.2011. godine pod brojem 04-01-1312/11, a dostavljena preko JP Elektroprivreda BiH d.d. - Sarajevo, Podružnica „Elektrodistribucija“ Tuzla, kod koje je ista zaprimljena 13.12.2011. godine.

Navedena žalba/prigovor se odnosi na postupak izdavanja Elektroenergetske suglasnosti broj 214-18383/11 od 29.11.2011. godine i Elektroenergetske suglasnosti broj 214-18390/11 od 29.11.2011. godine. Podnositelj žalbe navodi kako je Elektroenergetska suglasnost za taj poslovni

prostor izdana 1970. godine kada je poslovni prostor pušten u funkciju. Nadalje navodi kako Elektroenergetska suglasnost broj: ES-03/XI-01-P od 6.5.2002. godine sa šifrom mjernog mjesta 8207194 ne postoji i nju je u sustav ubacio neki operator kako bi na osnovi nje izdali Elektroenergetsku suglasnost broj 214-18383/11 od 29.11.2011. godine. Podnositelj žalbe navodi kako je JP Elektroprivreda BiH d.d. - Sarajevo, Podružnica „Elektrodistribucija“ Tuzla tražila od njega da ponovo kupi ono što je već kupljeno kako bi podmirio potrebe prostora, te navodi da se radi o 3kW, kako bi imao 5,5 kW. Također, navodi da za njegov poslovni prostor nije pronađena nikakva elektroenergetska suglasnost niti kod njega, niti kod Elektrodistribucije, te smatra kako je postupak proveden nekorektno i na njegovu štetu. Nadalje navodi, imajući u vidu obavijest od JP Elektroprivreda BiH d.d.- Sarajevo i važnu napomenu „ako ste bili kupac JP Elektroprivreda BiH d.d.-Sarajevo i prije 1.7.2009. godine, onda je vaša priključna snaga 6,7 kW, ako imate jednofazni priključak, odnosno 20 kW ako je vaš priključak trofazni“ i smatra kako je Podružnica „Elektrodistribucija“ Tuzla prema njemu napravila grešku.

JP Elektroprivreda BiH d.d.-Sarajevo, Podružnica „Elektrodistribucija“ Tuzla, u dopisu „Dostava žalbe krajnjeg kupca Salke Halilovića iz Kladnja na postupak izdavanja Elektroenergetskih suglasnosti broj 214-18383/11 i 214-18390/11“ koji je u FERK zaprimljen 23.12.2011. godine pod brojem 04-01-1312/11, je navela kako je 13.12.2011. godine primila žalbu žalitelja na postupak izdavanja Elektroenergetske suglasnosti broj 214-18383/11 od 29.11.2011. godine i Elektroenergetske suglasnosti broj 214-18390/11 od 29.11.2011. godine. Nadalje je navela da je 29.11.2011. godine izdala Elektroenergetske suglasnosti broj 214-18383/11 i broj 214-18390/11 za poslovni objekt „ZIS-94“ d.o.o. za proizvodnju promet i usluge Kladanj, na lokaciji Kladanj-Branilaca Bosne 1, te da su navedeni dokumenti uručeni krajnjem kupcu 30.11.2011. godine (dokaz-potpis krajnjeg kupca na elektroenergetskoj suglasnosti). JP Elektroprivreda BiH d.d.-Sarajevo, Podružnica „Elektrodistribucija“ Tuzla je navela kako s obzirom na to da su elektroenergetske suglasnosti broj 214-18383/11 i broj 214-18390/11 dostavljene krajnjem kupcu 30.11.2011. godine i kako je podnositelj žalbe vlasnik predmetnog poslovnog objekta, 13.12.2011. godine, podnio žalbu/prigovor na iste, utvrđeno je kako je žalba/prigovor dopuštena, pravodobna i podnesena od ovlaštene osobe. Nadalje je navela, da nakon što je razmotrila razloge za ulaganje žalbe/prigovora, istu je ocijenila kao neopravdanu jer je prema točki IV Ugovora o kupoprodaji poslovnog prostora, zaključenog 4.3.2003. godine između UPI „PROMET“ d.o.o. Kladanj (prodavatelja) i „ZIS-94“ d.o.o. Kladanj (kupac Salko Halilović) navedeni kupac kupio, uz ostalo, i „priključak na gradsku mrežu sa satom za mjerenje utroška električne energije“. Navela je kako isti kupac nikad nije izvršio prijenos priključka na svoje ime, pri čemu izdanu elektroenergetsku suglasnost za ovo mjerno mjesto ne posjeduje ni JP Elektroprivreda BiH d.d.-Sarajevo Podružnica „Elektrodistribucija“ Tuzla, ni krajnji kupac, te da poslovni prostor koristi zakupoprimalac Mikrokreditna organizacija „Sunrise“. Nadalje je navela kako je u članku 89. stavak (7) Općih uvjeta za isporuku električne energije (Službene novine Federacije BiH, broj 35/08, 81/08, 32/10 i 37/10) propisano da ukoliko ni distributer niti postojeći krajnji kupci ne posjeduju presliku izdane elektroenergetske suglasnosti, postojećem krajnjem kupcu izdat će se nova elektroenergetska suglasnost (bez podnošenja zahtjeva kupca i bez naknade), a tehničko-energetski parametri postojećeg krajnjeg kupca utvrđuju se ili na osnovi projektne dokumentacije ili na osnovi vršne snage i ostvarene potrošnje električne energije u prethodnom razdoblju. Također je navela kako u aplikaciji za obračun električne energije (SOEE) i Listi kupaca „M“ sa zbirnom energijom za razdoblje 1.7.2009. godine do 30.5.2010. godine, krajnji kupac ima evidentiranu Elektroenergetsku sablasnost EES ES-03/XI-01-P od 6.5.2002. godine i priključnu snagu 2,5 kW. JP Elektroprivreda BiH d.d.-Sarajevo Podružnica „Elektrodistribucija“ Tuzla je navela kako je u studenome 2011. godine u navedenom poslovnom objektu na adresi Branilaca Bosne 1 u Kladnju na mjernom mjestu broj 8207194, izvršena zamjena postojećeg brojlila multifunkcijskim elektronskim monofaznim brojlilom u kategoriji „ostala potrošnja na 0, 4 kV“. Nadalje je navela da nakon ugradnje ovog brojlila, s obzirom na to da navedena snaga nije zadovoljavala osnovne potrebe Mikrokreditne

organizacije „Sunrise“, u prostorije Poslovne jedinice distribucije Kladanj, obratio se sada već stvarni vlasnik navedenog poslovnog prostora Salko Halilović, te mu je tom prilikom detaljno objašnjen način određivanja priključne snage za kupce u kategoriji ostala potrošnja na 0,4 kV (članak 2. Upute o primjeni akata JP Elektroprivreda BiH d.d.- Sarajevo broj: U-01-12050/11-164./21 od 26.4.2011. godine, donesene na osnovi Općih uvjeta za isporuku električne energije), te ukazano na obvezu prijenosa priključka na svoje ime. Navela je kako je prema članku 9. navedene upute kod zakupa poslovnog objekta, zahtjev za povećanje priključne snage podnosi zakupodavac s kojim je potpisan ugovor o priključenju, troškove povećanja priključenju snage snosi zakupodavac, te da se ugovor o povećanju priključne snage ne može potpisati sa zakupoprimalcem. Nadalje je navela, da je na zahtjev podnosioca stornirana ranije izdana Elektroenergetska suglasnost ES-03/XI-01-P od 06.05.2002. godine, te je podnosiocu prvo izdana nova Elektroenergetska suglasnost broj 214-18383/11 za promjenu imena vlasnika, s istom odobrenom priključnom snagom 2,5 kW. Također je navela kako je nakon toga krajnji kupac podnio zahtjev za izmjenu elektroenergetske suglasnosti radi povećanja priključne snage, te je izdana nova Elektroenergetska suglasnost broj: 214-18390/11, s odobrenom priključnom snagom 5,5 kW za koju se kupac odlučio, smatrajući kako time zadovoljava svoje potrebe poslovnog prostora koji koristi. JP Elektroprivreda BiH d.d.-Sarajevo Podružnica „Elektrodistribucija“ Tuzla je nadalje navela da su navedene elektroenergetske suglasnosti izdate sukladno Općim uvjetima za isporuku električne energije (Službene novine Federacije BiH, broj 35/08, 81/08, 32/10 i 37/10) i Uputi o primjeni akata JP Elektroprivreda BiH d.d.-Sarajevo broj: U-01-12050/11-164./21 od 26.4.2011. godine, doneseni na osnovi Općih uvjeta za isporuku električne energije.

Uz propratni dopis JP Elektroprivreda BiH d.d.-Sarajevo Podružnica „Elektrodistribucija“ Tuzla je dostavila osim žalbe/prigovora i preslike:

- Ugovora o kupoprodaji poslovnog objekta zaključenog 4.2.2003. godine između UPI PROMET d.o.o. Kladanj (prodavatelj) i ZIS-94 d.o.o. Kladanj,
- Zapisnika o primopredaji predmeta prodaje od 10.4.2003. godine,
- Računa za utrošenu električnu energiju broj: 810-110814-31123 od 31.12.2003. godine,
- Računa za utrošenu električnu energiju broj: 610-110814-31083 od 31.8.2003. godine,
- Računa za utrošenu električnu energiju broj: 810-110814-31015 od 31.1.2005. godine,
- Izvoda iz Aplikacije SOEE,
- Liste kupaca sa zbirnom energijom za razdoblje 1.7.2009. godine do 30.5.2010. godine,
- Zahtjev za raskid Ugovora o korištenju distribucijske mreže/ugovora o opskrbi električnom energijom i sklapanje novih ugovora od 29.11.2011. godine,
- Zahtjev za izmjenu elektroenergetske suglasnosti za krajnjeg kupca od 29.11.2011. godine,
- Predračun broj: 214-18390/11 – jednokratna naknada za povećanje priključne snage
- Faktura br. 11896/11 - povećanje priključne snage,
- Elektroenergetska suglasnost broj 214-18383/11 od 29.11.2011. godine,
- Elektroenergetska suglasnost broj 214-18390/11 od 29.11.2011. godine.

U povodu zaprimljenog dopisa FERK je 18.1.2012. godine pod brojem 04-01-1312-01/11 uputio JP Elektroprivreda BiH d.d.- Sarajevo Podružnici „Elektrodistribucija“ Tuzla dopis - „Žalba/prigovor Salke Halilovića na Elektroenergetska suglasnost broj 214-18383/11 od 29.11.2011. godine i Elektroenergetska suglasnost broj 214-18390/11 od 29.11.2011. godine“. Navedenim dopisom je JP Elektroprivreda BiH d.d.-Sarajevo Podružnici „Elektrodistribucija“ Tuzla skrenuta pozornost da je potrebno da bez odlaganja, a najkasnije u roku od osam dana od dana prijema ovog dopisa dostavi potpunu dokumentaciju s kojom raspolaže, tj. cijeli spis predmeta. JP Elektroprivreda BiH d.d.-Sarajevo Podružnici „Elektrodistribucija“ Tuzla je posebno skrenuta pozornost da je potrebno da dostavi obrazloženje, na koji način se na listi kupaca „M“ za predmetni slučaj, šifra kupca 610M10814 odredila priključna snaga od 2,5 kW, koja je određena i u Elektroenergetskoj suglasnosti broj 214-18383/11 od 29.11.2011. godine, sa zbirnom energijom od

10.692,00 kWh za navedeno razdoblje 1.7.2009. do 30.5.2010. godine, a na istoj listi potrošaču sa šifrom 610M12612 i zbirnom energijom 10.620,00 kWh je utvrđena snaga 4,2 kW. Također od iste je zatraženo da pojasni zbog čega se za razdoblje zbirne energije uzelo razdoblje od 11 mjeseci, a ne razdoblje od 12 mjeseci, imajući u vidu da se angažirana snaga utvrđuje proračunom, uzimajući u obzir utrošenu električnu energiju i prosječno vrijeme korištenja angažirane snage od 2500 sati godišnje, kako je propisano u Odluci o naknadi za angažiranu snagu i priključenje na elektroenergetski sustav, donesenoj 3.9.2001.godine pod XIII stavak c), od Upravnog odbora JP Elektroprivreda BiH d.d.-Sarajevo. Također, FERK je istu ponovo podsjetio na opći dopis - Dokaz o urednoj dostavi broj 06-03-355/10, koji je FERK 17.3.2010. godine uputio svim Podružnicama JP Elektroprivrede BiH d.d.-Sarajevo i na obavezu postupanja po istom.

U odnosu na navedeno, FERK je, 2.2.2012. godine pod brojem 04-01-1312-02/11 zaprimio od JP Elektroprivrede BiH d.d.-Sarajevo Podružnice „Elektrodistribucija“ Tuzla „Odgovor na dopis broj: 04-01-1312-01/11, Žalba/prigovor Salke Halilovića na Elektroenergetsku suglasnost broj 214-18383/11 od 29.11.2011. godine i Elektroenergetsku suglasnost broj 214-18390/11 od 29.11.2011. godine“ u kojem je ista navela da nakon provjere u poslovnoj dokumentaciji dostavlja traženo obrazloženje, te se poziva na članak 89. stav (7) Općih uvjeta za isporuku električne energije (Službene novine Federacije BiH, broj 35/08, 81/08, 32/10 i 37/10). Nadalje je navela, s obzirom na to da u Aplikaciji za obračun električne energije (SOEE) krajnji kupac ima evidentiranu EES ES-03/XI-01-P od 6.5.2002. godine i priključnu snagu 2,5 kW, to je bila polazna osnova za izdavanje nove Elektroenergetske suglasnosti broj 214-18383/11 od 29.11.2011. godine, te nije bilo potrebno angažiranu snagu dodatno utvrđivati proračunom. Također je navela da u slučaju da podatak o priključnoj snazi nije bio evidentiran u Aplikaciji za obračun električne energije (SOEE), priključna snaga bi se odredila sukladno članku 2. Upute o primjeni akata JP Elektroprivreda BiH d.d.-Sarajevo broj: U-01-12050/11-164./21 od 26.4.2011. godine, donesene na osnovi Općih uvjeta za isporuku električne energije. Nadalje je navela da iz naprijed navedenog proizlazi razlika u priznatoj priključnoj snazi u dva slučaju, te za podnositelja žalbe nije utvrđena priključna snaga u navedenom razdoblju od jedanaest mjeseci, nego je zatečena i upisana u Aplikaciji za obračun električne energije (SOEE) na osnovi ranije izvršenog obračuna za koji sada ne mogu utvrditi datum upisa. Uz propratni dopis JP Elektroprivreda BiH d.d.-Sarajevo Podružnica „Elektrodistribucija“ Tuzla je ponovo dostavila naprijed navedenu dokumentaciju.

U povodu zaprimljenog dopisa, FERK je 27.2.2012. godine pod brojem 04-01-1312-03/11 JP Elektroprivredi BiH d.d.-Sarajevo Podružnici „Elektrodistribucija“ Tuzla uputio dopis - Zahtjev za informacijama u kojem je istoj skrenuta pažnja na članak 89. stavak (7) Općih uvjeta za isporuku električne energije (Službene novine Federacije BiH, broj 35/08, 81/08, 32/10 i 37/10). Navedenim dopisom je od JP Elektroprivrede BiH d.d.- Sarajevo Podružnice „Elektrodistribucija“ Tuzla zatraženo da dostavi energetska karticu prethodnog razdoblja ostvarene potrošnje električne energije. Također, istoj je skrenuta pozornost da se u dopisu broj: 3513-6491/2011 od 20.12.2011. godine i ostaloj zaprimljenoj dokumentaciji navodi kako je vlasnik tvrtke „ZIS-94“ d.o.o. Kladanj gosp. Salko Halilović, te je potrebno da ista, imajući u vidu odredbe Zakona o gospodarskim društvima (Službene novine Federacije BiH, broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), pojasni na koji način je utvrdila da je za zastupanje i predstavljanje društva „ZIS-94“ d.o.o. Kladanj ovlašten Halilović Salko, kao i da dostavi dokaz iz kojeg se to može vidjeti, sve u roku od osam dana od dana prijema ovog zahtjeva. Navedeni dopis JP Elektroprivreda BiH d.d.-Sarajevo Podružnica „Elektrodistribucija“ Tuzla je zaprimila 29.2.2012. godine, a po istom je bila u obvezi postupiti u roku od osam dana od dana prijema.

S obzirom na to da JP Elektroprivreda BiH d.d.-Sarajevo Podružnica „Elektrodistribucija“ Tuzla nije postupila po Zahtjevu za informacijama, FERK je 22.3.2012. godine pod brojem 04-01-1312-04/11 JP Elektroprivreda BiH d.d.-Sarajevo Podružnica „Elektrodistribucija“ Tuzla uputio Urgenciju u kojoj je naveo da je potrebno bez odlaganja po prijemu ove urgencije, JP Elektroprivreda BiH d.d.-Sarajevo Podružnica „Elektrodistribucija“ Tuzla dostavi u FERK sve

tražene informacije koje se odnose na FERK-ov dopis broj 04-01-1312-03/11 od 22.2.2012. godine, uključujući dokumentaciju, odnosno detaljno obrazloženje vezano za zahtijevano. Navedenu Urgenciju je JP Elektroprivreda BiH d.d.-Sarajevo Podružnica „Elektro distribucija“ Tuzla zaprimila 22.03 2012. godine i po istoj je bila u obvezi postupiti bez odlaganja po prijemu iste.

U odnosu na navedeno, FERK je 30.3.2012. godine pod brojem 04-01-1312-05/11 zaprimio od JP Elektroprivrede BiH d.d.-Sarajevo Podružnice „Elektro distribucija“ Tuzla „Odgovor na dopis broj: 04-01-1312-04/11, Urgencija, Veza: FERK-ov Zahtjev za informacijama broj 04-01-1312-03/11 od 22.2.2012. godine “ u kojem je ista navela kako je 23.3.2012. godine zaprimila FERK-ov dopis broj: 04-01-1312-04/11, Urgencija, Veza: FERK-ov Zahtjev za informacijama broj 04-01-1312-03/11 od 22.02.2012. godine, vezano za predmet Salke Halilovića. Nadalje je navela da je prema Ugovoru o kupoprodaji poslovnog prostora prodavaonice broj 17 u Kladnju, Ulica branilaca Bosne 1, zaključenog 4.3.2003. godine između UPI „PROMET“ d.o.o. Kladanj (prodavatelj), zastupan po direktoru Ahmi Gogiću dipl.ing. i „ZIS-94“ d.o.o. Kladanj (kupac), zastupan po vlasniku Salki Haliloviću iz Kladnja, te Zapisniku o primopredaji navedenog prostora potpisanog 10.4.2003. godine, utvrđeno kako je Salko Halilović kupovinom predmetnog prostora kupio, uz ostalo i „Priključak na gradsku mrežu sa satom za mjerenje utroška električne energije“, te smatra kako je isti ovlašten za zastupanje i predstavljanje „ZIS-94“ d.o.o. Kladanj. Također je navela kako dostavlja i račun za električnu energiju broj 610-110814-30114 od 30.11.2004. godine, koji glasi na ime ZIS-94“ d.o.o. Kladanj, Salko Halilović, Branilaca Bosne A, Kladanj.

Uz propratni dopis JP Elektroprivreda BiH d.d.-Sarajevo Podružnica „Elektro distribucija“ Tuzla je, uz već dostavljenu dokumentaciju, dostavila presliku računa za električnu energiju broj 610-110814-30114 od 30.11.2004. godine i Arhivsku energetska karticu šifra mjernog mjesta 1745379, iz koje se može izračunati da je angažirana snaga u 2010 godini iznosila cca 4,61 kW, a u 2011 godini cca 4,27 kW.

Na temelju naprijed navedenog, FERK je utvrdio sljedeće:

JP Elektroprivreda BiH d.d.-Sarajevo, Podružnica „Elektro distribucija“ Tuzla je u dopisu broj 04-01-1312/11 od 23.12.2011. godine navela kako je žalba/prigovor podnositelja žalbe dopuštena, pravodobna i izjavljena od ovlaštene osobe, iako uz isti dopis **nije priložena dostavnica ili drugi dokaz o urednoj dostavi** navedenih Elektroenergetskih suglasnosti broj: 214-18383/11 i broj: 214-18390/11 od 29.11.2011. godine, podnositelju žalbe.

Uvidom u Elektroenergetsku suglasnost broj 214-18383/11, te Elektroenergetsku suglasnost broj 214-18390/11 vidi se da je kao datum donošenja istih naveden 29.11.2012. godine, a u pouci o pravnom lijeku navedeno je da je protiv istih dopuštena žalba u roku od 15 dana od dana prijema akta, Regulatornoj komisiji za električnu energiju u Federaciji Bosne i Hercegovine – FERK-u, preko Podružnice „Elektro distribucija“ Tuzla.

Također uvidom u Žalbu/prigovor podnosioca žalbe utvrđeno je da je ista kod JP Elektroprivreda BiH d.d.-Sarajevo, Podružnica „Elektro distribucija“ Tuzla zaprimljena 13.12.2011. godine pod brojem 35-6076/11.

Iz navedenog se može zaključiti da je navedena žalba/prigovor pravodobna, te je FERK istu uzeo u razmatranje.

Za razmatranje žalbe/prigovora žalitelja relevantne su odredbe članka 89. stavak (7) Općih uvjeta za isporuku električne energije (Službene novine Federacije BiH, broj 35/08, 81/08, 32/10 i 37/10) kojim je propisano da ukoliko ni distributer niti krajnji kupac ne posjeduje kopiju izdate elektroenergetske suglasnosti, postojećem krajnjem kupcu se izdaje nova elektroenergetska suglasnost bez nadoknade. **Tehničko-energetski parametri postojećeg krajnjeg kupca utvrđuju se ili na osnovi projektne dokumentacije ili na osnovi vršne snage i ostvarene potrošnje električne energije u prethodnom razdoblju“.**

Dakle, navedenim člankom 89. stavak (7) Općih uvjeta jasno je propisano na koji način je elektroprivreda dužna postupati, ako ni distributer niti krajnji kupac ne posjeduje kopiju izdane elektroenergetske suglasnosti.

JP Elektroprivreda BiH d.d.-Sarajevo Podružnica „Elektrodistribucija“ Tuzla se u svojim dopisima poziva na Aplikaciju za obračun električne energije, kao valjanu pravnu osnovu na osnovi koje se može izdati elektroenergetska suglasnost u slučajevima kada ni distributer niti krajnji kupac ne posjeduje presliku izdane elektroenergetske suglasnosti.

Potrebno je istaći kako Općim uvjetima za isporuku električne energije nije propisano da elektroprivreda može postupati na način da na osnovi podataka unesenih u aplikaciji donese elektroenergetsku suglasnost.

Naime **jedini način** na koji elektroprivreda može postupiti u ovakvim slučajevima je način propisan u navedenom članku 89. stavak (7) Općih uvjeta za isporuku električne energije, pri čemu FERK smatra da se pod prethodnim razdobljem podrazumijeva razdoblje od 12 mjeseci, koje prethodi izdavanju elektroenergetske suglasnosti (analogno s razdobljem kod izdavanja PAS računa).

Za razmatranje žalbe/prigovora podnositelja žalbe nisu relevantne odredbe članka 2. Upute o primjeni akata JP Elektroprivreda BiH d.d.-Sarajevo donesenih na osnovi Općih uvjeta za isporuku električne energije broj: U-01-12050/11-164./21 od 26.4.2011. godine, jer iste nisu sukladno članku 89. stavak (7) Općih uvjeta za isporuku električne energije.

Naime, navedena Uputa o primjeni akata JP Elektroprivreda BiH d.d.-Sarajevo je interni akt Društva i isti nije sukladan Općim uvjetima za isporuku električne energije, te stoga pozivanje podnositelja žalbe da je JP Elektroprivreda BiH d.d.-Sarajevo Podružnica „Elektrodistribucija“ Tuzla prema njemu napravila grešku, jer istom nije odredila priključnu snagu od 6,7 kW, ne može se uzeti kao opravdano, imajući u vidu da ovakav način određivanja priključne snage nije moguće sukladno Općim uvjetima za isporuku električne energije.

Uvidom u spise predmeta nedvojbeno je da su predmetne elektroenergetske suglasnosti neodvojivo povezane. Naime, ni JP Elektroprivreda BiH d.d.-Sarajevo Podružnica „Elektrodistribucija“ Tuzla, niti podnositelj žalbe ne posjeduju preslike izdane elektroenergetske suglasnosti, te je potrebno da JP Elektroprivreda BiH d.d.-Sarajevo Podružnica „Elektrodistribucija“ Tuzla prvo donese elektroenergetsku suglasnost u kojoj će utvrditi priključnu snagu sukladno članku 89. stavak (7), a zatim prema potrebi i elektroenergetsku suglasnost a povećanom priključnom snagom.

U svezi s navedenim, JP Elektroprivreda BiH d.d.-Sarajevo Podružnica „Elektrodistribucija“ Tuzla prilikom izdavanja elektroenergetskih suglasnosti nije pravilno primijenila materijalni propis što je već naprijed pojašnjeno, jer priključna snaga od 2,5 kW nije utvrđena sukladno navedenom članku 89. stavak (7) Općih uvjeta za isporuku električne energije

Vezano za povećanje priključne snage važno je istaći kako u Elektroenergetskoj suglasnosti broj 214-18390/11 od 29.11.2011. godine nije određena jednokratna naknada za priključnu snagu, ali jeste u Predračunu broj: 214-18390/11 (za jednokratnu naknadu za povećanje priključne snage) od 30.11.2011. godine, u kojem se poziva na tehničke uvjete priključenja iz Elektroenergetske suglasnosti broj 214-18390/11. Također, u Predračunu broj: 214-18390/11 od 30.11.2011. godine navedeno je da se prvi dio jednokratne naknade sukladno članku 10. Pravilnika o priključcima, odnosi za povećanje priključne snage sa 3 kW na novu priključnu snagu od 5,5 kW.

Važno je istaći kako JP Elektroprivreda BiH d.d.-Sarajevo Podružnica „Elektrodistribucija“ Tuzla nije pravilno primijenila materijalni propis, jer ako se u predračunu navodi jednokratna naknada za povećanje priključne snage, ista se prije svega morala navesti u Elektroenergetskoj suglasnosti broj 214-18390/11 od 29.11.2011. godine, s obzirom na to da je to propisano člankom 24. (sadržaj elektroenergetske suglasnosti za krajnjeg kupca) stavak (2) točka 1) Općih uvjeta za isporuku električne energije, sve sukladno tehničkim uvjetima propisanim u istoj i Pravilnikom o priključcima JP Elektroprivrede BiH d.d.- Sarajevo broj: NO-21-9330-4./09 od 23.4.2009. godine.

S obzirom na to da je FERK kao drugostupanjsko tijelo utvrdio kako u prvostupanjskom postupku nije pravilno primijenjeno materijalno pravo, što je bilo od utjecaja na rješenje stvari, te s obzirom na to da FERK smatra kako će nedostatke prvostupanjskog postupka brže i ekonomičnije otkloniti prvostupanjsko tijelo, FERK je odlučio poništiti Elektroenergetsku suglasnost broj 214-18383/11 od 29.11.2011. godine i Elektroenergetsku suglasnost broj 214-18390/11 od 29.11.2011. godine. Naime, JP Elektroprivreda BiH d.d.-Sarajevo, Podružnica „Elektrodistribucija“ Tuzla raspolaže podacima i informacijama, na osnovi koji treba riješiti predmetni slučaj.

U svezi s navedenim, FERK upućuje JP Elektroprivreda BiH d.d.-Sarajevo Podružnica „Elektrodistribucija“ Tuzla da izradi novu elektroenergetsku suglasnost (ili nove elektroenergetske suglasnosti, ovisno o novoutvrđenim činjenicama) sukladno uputama FERK-a i naprijed navedenom članku 89. stavak (7) Općih uvjeta za isporuku električne energije. Također, potrebno je da JP Elektroprivreda BiH d.d.-Sarajevo Podružnica „Elektrodistribucija“ Tuzla novu elektroenergetsku suglasnost (ili nove elektroenergetske suglasnosti, ovisno o novoutvrđenim činjenicama), dostavi podnositelju žalbe i tako završi započeti postupak izdavanja elektroenergetske suglasnosti.

Po naprijed navedenim uputama JP Elektroprivreda BiH d.d.-Sarajevo Podružnica „Elektrodistribucija“ Tuzla je dužna postupiti, bez odlaganja, a najkasnije u roku od 15 dana od dana prijema ovog rješenja, dostavljenog od FERK-a.

Na temelju navedenog, sukladno članku 29. Zakona o električnoj energiji odlučeno je kao u izreci ovog rješenja.

POUKA O PRAVNOM LIJEKU:

Protiv ovog rješenja podnositelj žalbe može tužbom pokrenuti upravni spor kod Kantonalnog/Županijskog suda u Tuzla u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod nadležnog suda ili bilo kojeg drugog suda.

PREDSJEDNICA FERK-a
Đulizara Hadžimustafić v.r.